

KAPENE MEA.

NO te Taite, Noema 29, ka moe a "Tawa" i te moenga roa. I mate atu ki te Hohipera i Tauranga. Ko ona tau e 80. He tangata tenei i tino uru ki roto i nga whakaaro o te Maori, i tino mohio hoki ki nga ahuatanga katoa o te Maori. Tona matau ki te reo Maori, ki nga waiata, ki nga whakatauki, nga korero tawhito a nga koroua, tae noa ki nga kupu whakato'i, me nga kupu whakakata a te Maori, i tino mau pai i a ia. He tangata a Tawa i tino piri ki tana taha Maori mai ano o nga pakanga o te 1860 a mate noa. He tangata aroha, kaore ona hoa riri. Ko Te Arawa tona tino iwi, me te whakanuia ano o Tawa e ona hapu katoa i roto i a Te Arawa. Ka mate nei a Tawa, ka ngaro tetahi o nga morehu rangatira o Te Arawa, otira o te iwi Maori.

Haere e koro, haere ki te iwi.

KOHATU O HENARE WEPIHA.

KU A tae mai te kohatu o Henare. He mea hanga mai ki te mapere i Itari. Ko te ra kua whakaritea i tenei wa hei hurahanga mo taua kohatu ko te 15 o Hanuere. Kaati kua tae he whakaatu ki a Hemi Huata kaore te Pihopa, me Atirikona Himikini me Pencii e watea i roto i nga ra o Hanuere. Mehemea mo Pepuere mo Maehe ka watea. Ki te kore e taea te hiki, kaati ka waiho ma etahi o nga Minita e whakahaere te karakia hura i te kohatu. Engari i te mea he minita mona te kohatu, e tika ana ma te Pihopa rawa e hura. Otira kei te iwi kainga ano te tikanga.

MARAMATAKA.

- | | |
|---|----|
| TIHEMA 9.—RATAPU 2 O TE HAERENGA MAI. | V. |
| Ihaia 5. I Hoani 2: 15. | |
| Ihaia 11, 1-11. Hoani 17. | |
| TIHEMA 16.—RATAPU 3 O TE HAERENGA MAI. | V. |
| Ihaia 25. Hura. | |
| Ihaia 26. Hoani 21. | |
| TIHEMA 19.—RA EMIPA. | V. |
| TIHEMA 21.—RA O TAMATI. RA EMIPA. | R. |
| TIHEMA 23.—RATAPU 4 O TE HAERENGA MAI. | V. |
| TIHEMA 25.—RA WHANAUTANGA O TE KARAITI.* | W. |
| Nga Waiata—Ata: 19, 45, 85. | |
| Ahihi: 89, 110, 132. | |
| Ihaia 9, 1-7. Ruka 2, 1-15. | |
| Ihaia 7, 10-17. Taituha 3, 4-9. | |
| TIHEMA 26.—RA O TIPENE. | R. |
| TIHEMA 27.—RA O HOANI. | W. |
| TIHEMA 28.—RA O NG A KOHUNG AHUNGA. | R. |
| TIHEMA 30.—RATAPU 1 MURI I TE RA WHANAUTANGA. | |
| Ihaia 35. Whktnga. 20. | |
| Ihaia 38. Whktnga. 21, 1-15. | |
| HANUERE 1, 1924.—RA KOTINGA. | |
| HANUERE 6.—RA WHAKAATURANGA. | |
| HANUERE 13.—RA 1 MURI I TE WHAKAATURANGA. | |

*Me tae katoa ki te Karakia in tenei ra. Me whakatakoto e nga Minita te Hakarameta o te Hapa a te Ariki, i te mea konei te karakia whakawhetai ki te Atua mo tona aroha ki a tatou i tenei ra.

Arohatia nga iwi o te pouritanga. Horahia te Rongopai. Tapaea a tatou kahi o tenei ra hei kaw e i te Rongopai. Me tuku mo Inia i tenei tau. Tukuna mai nga ohaoha ki "Te Toa Takitini," Box 300, Hastings, ki te Diocesan Secretary ranei, Napier.